

आकाशवाणी

- भारत नै महिलाएं दे इक ध्याड़े आहले आई.सी.सी क्रिकेट विश्व कप दे फाईनल च दक्खन अफ्रीका गी हराइयै पैहली बारी एह खताब अपने नांs कीता ऐ। राष्ट्रपति, उपराष्ट्रपति ते प्रधानमंत्री हों बी इस ऐतिहासिक उपलब्धि पर भारती महिला टीम गी मुबारकबाद दिती ऐ।
- प्रधानमंत्री नरेन्द्र मोदी हों अज्ज नमीं दिल्ली दे “भारत मंापम” च उभरदे विज्ञान ते प्रोद्योगिकी नवाचार सम्मेलन 2025 दा उद्घाटन करडन।
- राष्ट्रपति द्रौपदी मुर्मु अज्ज देहरादून च उत्तराखं विधानसभा दे द'उं दिनें दे बशेश इजलास गी संबोधित करडन। राज्य दी स्थापना दी सिल्वर जुबली दे उपलक्ष्य च बशेश सत्र दा आयोजन कीता गेआ ऐ।
- बिहार च असैम्बली चुनाएं दे पैहले गेड़ लेई चुनां प्रचार कल मुक्की जाहग।
- राजस्थान दे फालोदी इलाके च होए दे सिड़क हादसे च 15 शा मते लोक मारे गे न ते केई हों जखमीं होई गे न।
- अफगानिस्तान दे हिंदू कुश इलाके च कल रातीं 6 इशारिया 3 दी तीव्रता दा शक्तिशाली भूचाल आया।

Women Cricket

मुल्खै दिए धीएं क्रिकेट च इतिहास रचेआ ऐ। कल राती नवी मुंबई च आईसीसी महिला विश्व कप दे फाइनल च भारत नै दक्षिण अफ्रीका गी 52 रन कन्नै हराई पैहली बारी विश्व कप अपने नां कीता ऐ। भारत नै पैहले बल्लेबाजी करदे होई 7 विकेट पर 298 रन बनाए। परते च दक्षिण अफ्रीका दी टीम 246 रन पर सिमटी गई। शेफाली वर्मा नै शानदार 87 रन्ज बनाए ते 2 विकेट भी लैते। उनें गी प्लेयर ऑफ द मैच घोषित कीता गया। फाइनल च 58 रन दे योगदान कन्नै गे 5 विकेट लैने आहली ते पूरे टूर्नामेंट च शानदार प्रदर्शन करने आहली दीप्ति शर्मा गी प्लेयर ऑफ द टूर्नामेंट दा खिताब हासिल होआ। दक्षिण अफ्रीका दी कप्तान लॉरा वोल्मार्ट नै शानदार 101 रन दी पारी खेपी।

<><><><><><>

World Cup Messages

राष्ट्रपति द्रौपदी मुर्मु होंरे विश्व कप जीतने पर भारतीय टीम गी बधाई दिन्दे होई आखेआ जे एह ऐतिहासिक उपलब्धि महिला क्रिकेट गी होर बी मती ऊंचाईं पर ली जाग। उने आखेआ जे धीएं मुल्खै दा मान बढ़ाया ऐ। प्रधानमंत्री नरेंद्र मोदी होंरे सोशल मीडिया पोस्ट च आखेआ जे भारत दा प्रदर्शन अद्भुत कौशल ते आत्मविश्वास कन्नै भरे दा हा। पूरी टीम नै असाधारण टीम वर्क दा परिचय दिता। लोकसभा अध्यक्ष ओम बिरला होंरे बी बधाई दिन्दे होई आखेआ जे भारतीय टीम नै पूरे देशै दा दिल जितेआ ऐ। गृह मंत्री अमित शाह होंरे इस जीत गी पूरे मुल्खै आस्तै माने आहला पल दस्सेआ। उने आखेआ जे

टीम इंपिया नै देशै दा सम्मान बदाया ऐ। भारतीय टीम दी उपलब्धि पर पूरे देश च जश्न दा माहौल ।

<><><><><><>

PM Conclave

प्रधानमंत्री नरेन्द्र मोदी होर अज्ज नई दिल्ली च “भारत मणपम” च उभरदे विज्ञान ते प्रौद्योगिकी नवाचार सम्मेलन 2025 दा उद्घाटन करडन ते इसी संबोधित बी करडन। श्री मोदी देश च अनुसंधान ते विकास तंत्र गी बढावा देने आस्तै इक लकख करोड़ रूपे दी अनुसंधान, विकास ते नवाचार योजना निधि दी शुरुआत करडन। इस योजना दा मकसद देशै च निजी क्षेत्र राएं संचालित अनुसंधान ते विकास तंत्र गी मजबूती देना ऐ। त्रै-दिन दे इस सम्मेलन च नोबल पुरस्कार विजेता, प्रमुख वैज्ञानिक, नवाचारी ते नीति निर्माताएं सनें शिक्षा जगत, अनुसंधान संस्थान, उद्योग ते सरकार दे त्रै हजार सोयां मते लोक शामिल होडन। सम्मेलन दौरान उन्नत सामग्री ते विनिर्माण, आर्टिफिशियल इंटेलिजेंस, जैव-विनिर्माण, समुद्री अर्थव्यवस्था, डिजिटल संचार, इलेक्ट्रॉनिक्स ते सेमीकण्डक्टर विनिर्माण, नमी कृषि प्रौद्योगिकी, ऊर्जा, पर्यावरण ते जलवायु, सेहत ते चिकित्सा प्रौद्योगिकी, क्वांटम विज्ञान ते प्रौद्योगिकी ते अंतरिक्ष प्रौद्योगिकी जनेह् प्रमुख विषे पर विचार-विमर्श होग।

<><><><><><>

President Uttarakhand

राश्ट्रपति द्रौपदी मुर्मु अज्ज देहरादून च उत्तराखण्ड विधानसभा दे द'उं दिनें दे बशेश इजलास गी संबोधित करडन। राज्य दी स्थापना दी सिल्वर जुबली दे उपलक्ष्य च बशेश सत्र दा आयोजन कीता गेआ ऐ। सत्र लेई सारी तैयारियां पूरी करी लैती गेदिआं न। एह बशेश सत्र, उत्तराखण्ड दी आध्यात्मिक ते सांस्कृतिक विरासत उप्पर केन्द्रित होग। इस दरान राज्य दे विकास ते औने आहले किश ब'रें लेई अग्गे दी रूपरेखा पर चर्चा कीती जाहग। राश्ट्रपति हुं'दे संबोधन शा पैहले उत्तराखण्ड दे गवर्नर, मुखमन्त्री, विधानसभा स्पीकर ते विपक्ष दे नेता हुं'दे आसेआ बी सोआगती भाशण दिते जाडन। राश्ट्रपति होर कल नैनीताल च आयोजित होने आहले बकख-बकख कार्यक्रमें च बी शामिल होडन।

<><><><><><>

Akashwani Sangeet Sammelan

आकाशवाणी संगीत सम्मेलन दा 67मां संस्करण अज्जे सोयां दिल्ली, मुंबई ते चेन्नई च शुरू होआ गेआ। इस सम्मेलन दा आयोजन प्रसार भारती आस्सेआ संस्कृति मंत्रालय दे सहयोग कन्नै कीता जा र दा ऐ। इसदे तैहत अज्ज नमी दिल्ली दे आकाशवाणी दे रंगभवन च बांसुरी वादक पण्डित राकेश चौरसिया हुन्दे आस्सेआ रंगारंग कार्यक्रम पेश कीता गेआ। तोआई, मराठी लोकसंगीत दी प्रस्तुति नंदेश उमप हुन्दे आस्सेआ दिती गेई। इस कार्यक्रम च प्रसार भारती दे अध्यक्ष नवनीत कुमार सहगल ते आकाशवाणी दे महानिदेशक राजीव कुमार जैन मौजूद रेए। इक महीने तकर चलने आहले इस आयोजन दौरान दिल्ली सनें मुख्य भरै

दे 24 शैहरें च शास्त्रीय संगीत दियां प्रस्तुतियां होंडन। जिसदे च हिंदुस्तानी, कर्नाटक ते बक्ख बक्ख लोक-संगीत दी प्रस्तुति दिती जाग।

<><><><><><>

Bihar Election

बिहार च विधानसभा चुनांs दे पैहले गेड़ दे प्रचार आस्तै हुन छड़ा इक-2 दिन बाकी ऐ। कल संजा इस गेड़ आस्तै प्रचार सम्पन्न होई जाग। एन.पी.ए ते महागठबंधन दे स्टार प्रचारक ते वरिष्ठ नेता अपने मेदवारें दे समर्थन च प्रचार ते मतदाताएं गी अपने पक्ख च करने आस्तै पूरा जोर ला'रदे न। अज्ज पैहले चरण दे कन्नै दूए गेड़ आस्तै निर्वाचन क्षेत्रें च भी प्रचार अभियान चलोग। बक्ख-बक्ख राजनीतिक दलें दे नेता नां छड़ा चुनावी रैलियां करा'रदे न सगुआं सोशल मीडिया प्लेटफार्में राएं बी मतदाताएं तगर पुज्जा'रदे न।

<><><><><><>

Rajasthan –Road Accident

राजस्थान दे फलौदी जिले च इक बड़ड़ा शिड़क हादसा पेश आया। कल संजा,मतोड़ा कश भारतमाला एक्सप्रेस-वे पर टेंपो ट्रेवलर दे ट्रक कन्नै टकराई जाने करी 15 लोकें दी मौके पर गै मौत होई गई। जिसलै कि 2 होर गंभीर तौर पर घायल होए न। पुलिस ते मुकामी लोकें बचाव अभियान चलाया, जिसलै कि घायलें गी ग्रीन कॉरिडोर राएं जोधपुर दे एम.पी.एम अस्पताल पजाया गेआ। सारे पीड़ित जोधपुर दे सूरसागर इलाके दे इक्कै परोआर दे सदस्य हे, जेणे कोलायत मेले सोयां परतोआ'रदे हे। मुखमंत्री भजन लाल शर्मा होरें घटना पर

पूंगा दुख ते बसोस जाहिर कीता ते अधिकारियें गी घायलें गी लोचदा इलाज यकीनी करोआने दे निर्देश दिते न।

<><><><><><>

AFGHAN Quake

अफगानिस्तान दे हिंदू कुश इलाके च कल रातीं 6 इशारिया 3 दी तीव्रता दा शक्तिशाली भूंचाल आया। अमरीका दे भू-गर्भ सर्वेक्षण मूजब, भूंचाल दा केंद्र मज़ार-ए-शरीफ़ शैहा दे नेड़े खोलम इलाका हा। मज़ार-ए-शरीफ़ च, लोक दैहशत च अददी रातीं घरें थमां बाहर निकली आए। राजधानी काबुल च बी भूंचाल दे झटके मैहसूस कीते गो। अमरीकी भू-गर्भ सर्वेक्षण ने भूंचाल दे तुरत आकलन आहली अपनी प्रणाली राहें ऑरेंज अलर्ट जारी कीता ऐ, ते आपदा दे व्यापक असर करी मती गिनतरी च लोकें दे मारे जाने दी शेंका बी जाहर कीती ऐ। पाकिस्तान आहले बन्ने दे नेड़े पूर्वी अफगानिस्तान च 31 अगस्त गी 6 दी तीव्रता आहले भूंचाल च 22 सौ शा मते लोक, जदके अक्टूबर 2023 च 6 इशारिया 3 दी तीव्रता दे भूंचाल करी 4 जहार लोक मारे गे हे।

<><><><><><>

ISRO Launch

भारतीय अंतरिक्ष अनुसंधान संगठन, इसरो नै कल संजा श्रीहरिकोटा सोयां भारत दे सबनें थवा भारे संचार उपग्रह सी.एम.एस-03 जीसैट-7आर दा सफलतापूर्वक प्रक्षेपण कीता। भारतीय नौसेना आस्तै हुनै तगर दा एह सबने थवा उन्नत संचार उपग्रह, जिसी एल.वी.एम3-एम-5 रॉकेट दे माध्यम कन्नै प्रक्षेपित कीता गया, आंध्र प्रदेश दे श्रीहरिकोटा स्थित सतीश धवन अंतरिक्ष केंद्र सोयां प्रक्षेपित

